

八瓊室金石補正

八瓊室金石補正卷一百十三

太倉陸增祥撰

男 繼輝校錄

吳興劉承幹覆校

宋 三十二

六侯事蹟記

高四尺七寸廣二尺三寸六分三截上二截均廿一行下截四行左方跋語三行行字不等字徑五分餘橫額題六侯之記四字字徑四寸俱正書在南海南海廟康定牒碑之陰

達奚司空慶祿中阮遵有記云普通菩提達磨由南天竺國與二弟航海而至達奚乃季弟也經過廟款謁王王留共治達奚立化廟門之東元豐秋苦雨太守曾布

祈晴於祠下默有禱於神一夕感夢告以所復逾月破
命了然不差因而命工修飾祠像以答靈貺今封
助利侯

杜公司空不知其名父老相傳乃北人也形貌清秀有
才幹明道年中重修廟宇差公監役不日而成既畢工
公遂禱於王曰王威鎮一方利資百粵助國濟民其功
莫測願助王爲陰兵部轄之首言訖而化從茲廟內忽
生飛鼠不知其數皇祐中儂賊犯廣猛風飄滯獠船不
進廣人遂得爲備又元祐間岑探賊發自新州領衆數
千來泊城下民庶驚擾官吏茫然既蒼卒之際州城守

禦器械皆無備枝梧郡官登城遂禱之於神是日晴霽
忽起大風暴雨結爲寒迤三晝夜賊徒寒慄不能攻擊
及城人忽見飛鼠逸之樓櫓而賊衆觀其城上甲兵無
數恐懼竄越鳥竄鼠伏當時咸謂 杜公陰兵助
王威德以護官民至今飛鼠集而不散今封

助威侯

以上
上截

巡海曹將軍不知何時人有海客船過大洋至於無涯
之所風浪滂沱驚懼之際船人隱隱見有金甲神人平
波伏浪人皆頂仰曰巡海將軍也至癸亥歲四月內前
監市易務梅菁得替赴惠州博羅縣任十六日船至扶

胥海風雨忽作波濤競起船將傾危菁叩

南海王未已隱隱見一金甲神人招呼船獲平濟菁到廟謁謝行至巡海將軍堂前頂仰將軍有如早所見之神菁再拜謝不知將軍姓氏欲求傳於後至晚下船就寢復夢將軍云吾姓曹助王威久矣人無由知亦不欲顯世間既聞命故當見子菁忽然而覺次日置牌以顯於後今封

濟應侯

巡海提點使元祐五年五月十三日夜三更時廣帥蔡公卞忽夢神人身長丈餘紫袍金帶容貲堂堂趨走而

前似有贊見之禮蔡公云吾授

天子命來守此土公何人而輒至此神人曰余姓蒲本
廣州人也家有子三男余昨辭人世以平生所積陰功稍
著

上帝命充廣利王部下巡海提點但未立祠位言訖而
沒夢覺但增歸仰次日具述夢由於郡官之前聞者莫
不嘆服遂命工委官詣廟致祭綵繪神像并寫立南海
廟牌其神今封

順應侯

以上
中截

王子一郎

封輔靈侯

王子二郎

封贊甯侯

以上
下截

漸紹興辛酉季夏赴倅曲江經途扶胥鎮奠謁祠下
詢訪六侯故事無有識者適於壁角得板六揩拭辨
認字差可讀六侯豐功偉績烜赫照人耳目如此歲
久無記幾絕其傳若板一失必至埋沒矣惜哉漸乙丑
中夏回守程鄉迺以六侯事跡移刻之石更不易一
字謹存其舊以信來者二十四日莆陽方漸跋

六侯封號他書所未載宋史禮志凡廟祠賜額封號
多在熙甯元祐崇甯宣和之間碑所載皆元豐元祐
閒事然則六侯之封其在元祐以後邪又碑稱元祐
閒岑探賊發自新州領衆數千來泊城下宋史蔣之

奇傳廣州妖人岑深善幻聚黨二千人謀取新興略
番禺包據嶺表羣不逞借之爲虐其勢張甚之奇遣
鈐轄楊從先致討生擒之是其事也深碑作探與東
都事略合宋史作深蓋轉刻之譌爾方漸跋紀年乙
丑爲紹興十五年孫星衍訪碑錄別載一碑爲五年
誤也漸莆陽人所至以書自隨爲閣藏之榜曰富文
見萬姓統譜

金石續編

碑云元豐秋苦雨太守曾布祈晴於祠下言秋不
言何年元豐二年四月曾布已至桂州龍隱巖有
其題名元豐秋元豐元年之秋也下又云告以所

復逾月被命了然不差案史曾布傳復集賢學士知廣州元豐初以龍圖閣待制知桂州進直學士碑言所復當卽集賢學士然元豐元年正月曾布九曜石題名已署龍圖閣待制尙在未知桂州之前署銜又稱起居舍人不言集賢學士則元年正月知廣州時尙未復也史文殆有參錯矣訪碑錄兩載此碑一題六侯碑紹興五年一題南海廟六侯事蹟碑紹興十五年五月孫書重出甚多此其一也碑無撰人名方漸跋而刻之孫氏以爲方漸撰亦非

張浚列秀亭題名

高三尺二寸五分廣二尺共九行行十四字字徑一寸七分正書隸額橫列魏公遺墨四字在連州

□□□河郡張浚紹興丙寅秋□命謫居陽山姪杆

男拭侍行重□□日抵郡境授館濯纓堂因晴夕□□

秀亭周覽風物少釋懷親之思眉史堯弼自星沙借

來表弟臨叩計老以秦國意繼至省問丁卯寒食日

從居者八人僧慧廣使臣楊安寔黃資何遵密院知

客王端賈似頭陀光衡

大梁張顏叔等題名

高一尺二寸五分廣六寸三行行字不一字徑一一五分分書

大梁張顏赫河南邵次□洛陽木子壽紹興十七年秋

八月十四日來

右刻未詳所在疑在蜀中

坦山巖勸農記

高七尺九寸廣五尺三寸前十九行行廿四字字徑二寸後題名四行行字大小不一均正書篆額橫列題坦山巖勸農記六字字徑三寸五分在郴州

坦山巖勸農記

建炎天子卽位之十九年 眷懷南畝無以慰其勤乃

詔郡國司牧臣每歲之春奉將 德意躬行阡陌設勸

農桑以昭示務農重穀天下之本之義行郴郡太守王
牒趙侯暨別乘廬侯欽承制旨夙夜惟寅民事之宜
率古是振當視政之明奉春南至于會牒今年春考卜
西疇得此坦山焉于時原人舉趾嘉種薦陳龐眉鶴髮
之叟接武來會者數十輩於是儔相揖進于庭對揚
王之休命言喻詳複使人人咸知君上無一念不在
斯民蓋所以謹勸之方申歸美之志禮也勞酒旣加
撫存旣備以手加額者不約而齊曰孰謂二三太平遺
老復覩中興聖政之行天或假以須臾尙冀拭目以見
東都之會雖然今日之事仲叔季弟幼子童孫敢不

竭力耕田以供王民之職已而賓既醉止事協禮成秣馬巾車還轍趣戒幕中諸公相與升階而請曰昔人或爲山林之遊或爲園囿之賞且得託文琬琰以歆艷來世今史君此行王命也禮文之舉政典也抗跡前聞實懼有闕况巖石甚良可磨可鐫僚僚多賢其文可述敢告執事侯曰諾遂命門人綴緝其語書以代記
旨□元紹興龍集戊辰月應夾鐘莫餘三莢也同官會者九人寄居得八人

進士曹宗度門人安世隆華亭柳大成新巡轄
李景超新辰沅巡轄曹漢新平陽令安世忠前

判官萬億

此行低六格

新桂陽監押趙不□郴縣尉張瑜權郴縣丞梁浚

郴縣令孔浩然推官彭瀾判官李渢教授鄧深監

押趙□□較前行高一字 以上二行字特小字徑寸許

右承議郎通判郴州軍州主管學事兼管內勸農事

主管坑冶事務賜緋魚袋盧□

左朝奉郎權知郴州軍州主管學事兼管內勸農事

提點坑冶事務借紫金魚袋趙不□此二行低五格字亦較小徑一寸

分十五

獨步至巖口讀宋人勸農文石未經斧鑿宛然天成

相傳巖頂有張南軒書萬華巖三大字今爲薛封明

學夔遊萬

華巖記

萬花巖內有宋太守趙不退勸農碑

郴州總志

案志云趙不退於紹興十六年由朝奉郎任知州攷

宋史宗室世系表名不退者共六人四人皆不注官

階其一人乃商王元份五世孫階爲成忠郎係武職

惟贈正奉大夫士清子名不退者亦商王元份之後

其階爲左朝請郎恐卽其人

湖南通志

右坦山巖勸農記在郴州卽志所稱萬花巖勸農

文也坦山在州西南三十里見一統志萬花巖在

坦山下見州志瞿氏輯通志時未見此刻已巳冬

余始屬高大令

捷達

搜剔得之字學誠懸結構有

法文首云建炎天子卽位之十九年下有詔郡國
司牧云云案高宗卽位之十九年爲紹興十五年
高宗本紀是年正月初置藉田十六年正月親饗
先農於東郊行藉田禮玉海云紹興十五年十一
月十七日詔以來歲之春祇祓青壇親載耒耜躬
三推之禮以風示於四方閏十一月甲申司農簿
宋樸請令守令以歲仲春出郊勞農遂爲故事卽
此記所敘務農之詔也又云行郴郡太守玉牒趙

侯暨別乘盧侯趙侯盧侯卽記末所列之通判郴州盧□權知郴州趙不□也郴郡卽彬州桂陽郡也記後題名辰沅巡轄曹漢新平陽令安世忠前判官萬億郴縣尉張瑜丞梁浚令孔浩然推官彭瀾判官李渢教授鄧深無一見於官志者惟鄧深見選舉亦見人物傳深字資道一字紳伯湘陰人紹興十二年陳誠之榜進士試中教官入爲太府丞提舉廣西市舶求便郡知衡州擢潼川路轉運使後以朝散大夫終於家新桂陽監押趙不之下似是程字官志有趙不懋知桂陽軍無趙不程爲

桂陽監押仍闕之石根爲泉流所汨不得盡拓盧
趙二人名皆不見官志通判郴州者有盧械當卽
其人知郴州者有趙不退郴州總志以此記爲趙
不退勸農碑當不誤耳十六行僚字下又一僚字
其上半數筆羈雜於上僚字之間想係匠工之誤
或後人所妄鑿十七行元上一字右旁是亥左旁
似糸而未得其解不敢率定十八行戊字作戌非
石泐卽刊刻之譌龍集戊辰月應夾鐘萁餘三莖
者紹興十八年二月廿七日也

富順中巖題刻十二段

在富順

蔡正叔納涼題名

高一尺七寸五分廣二尺七寸七行行五字字徑三寸許正書左行

伊川蔡正叔紹興戊辰歲季夏念八日率弟叔未處卿

男逕逢侍親携家納涼于此

張難老等避暑題名

高一尺二寸廣五尺四寸十六行行四字字徑三寸許又刻石

一行小字
並正書

張難老蹇時行趙君寶婁子春何堅仲崔順之張仕道

劉巨川韓道直龍介卿梁聖擇王濟之蘇景山梁玆求

呂紹興壬午仲夏晦日避暑飲于此曲子治以職事不

至

缺初約師 □ □ 刻石
十二字

默之等殘題名

高一尺七寸廣二尺三寸八行行六字字徑二寸分書

默之缺正缺

□□

一缺并缺行

□缺

避暑

□□

□□

終日隆

興改元貳月

□缺

呂元錫納涼題名

高一尺一寸廣一尺四行行五六字字徑一寸二分正書

呂元錫挈家納涼巖下乾道丙戌六月十七日

李深甫喜雨題記

高一尺三寸廣四尺十七行行八九字字徑二寸五分分書

河陽李深甫來牧此監夏不雨既禱乃雨人欣欣有害

色因載酒領客飲崑下金風扇涼區野腴潤客舉觴酌

侯曰民有哺而侯寔哺之矣請曰為侯壽侯曰斯民之

福吾何力有焉蓋舉觴為賓客賀客曰哺矣其□侯之

德以如民□不□侯曰唯酒半客洛陽呂元錫取其語
遂書之石昭德鬼子愈眉叅孫德進資中何含醇元美
漢江李顯孺明孺□焉乾道二年七月初九日 住嵩
僧志超監刻

取書作取俗謬

楊光避暑詩

高一尺七寸廣三寸詩十二行行十字
後三行行八字字徑二寸許分書刻石

一行
正書

伽陀坐斲碧巖陰手眼無非利物心借我初唐滌衲器
冷風美蔭木千尋

山下芙蕖雲錦裳珎餅淨供坐生涼南薰真是社中友

清潤時飄衣袂香

禪榻陰森五月秋并泉甘冽近林幽助翁燕坐清涼境
茶具隨行試一甌

淳熙丁未初伏林磻楊光奉親避暑中巘男廌之
英侍行

知院僧惠光監刻

王萬里等題名

高二尺五寸廣二尺七行
行八字字徑二寸餘正書

臨邛王萬里過金川眉山楊仲禹拉弟嗣卿季禹叟孟
容蘇仲程偕泛西湖舍舟來游巖前新結小亭置酒其
上日莫迺歸嘉定九年五月甲子日

楊仲禹等觀蓮題記

高一尺八寸五分廣三尺五寸八行行七字字徑二寸餘行楷

書

嘉定丙子七月乙卯楊仲禹拉牟君錫陳立道史伯尹

楊升通弟季禹妖子助觀寺門池蓮盛開君錫怡得呂

氏瑞蓮共賞久之分韻各賦詩而退

晁革父等題名

高一尺七寸廣三尺七寸十行行五字字徑二寸五六分行書刻石一行

正書

晁革父常修父通父孫子厚李義昭韓濂之甲申中秋

日携碁載酒聚憩亭上劉談終日見月而歸常享父丁

子儀升之約而不至

嘉定十七年□□□日刻

趙虞臣等月岩題記并詩

高一尺三寸廣五尺三寸
題記十六行行五六字字

徑一寸四分五十分詩十行行七字字
徑一寸許並行書立石一行行正書

金華趙虞臣果山楊信甫三□勾龍晞□□浦章王□

高平范仲章天水尹子卿書大士記回而山行携盆蘭

寘月巖下圍碁小酌閑適竟日積雨初霽巖滴如霰茲

游清絕是可書也寶慶丙戌仲秋前三日虞臣書

再書二絕句以紀其清

蘭著秋花分外奇月巖清坐聽枰碁笈譚相與同心處

更近新涼八月時茲游閑適實清奇恍對柯山一局碁

興盡相呼下山去歸途猶趁日西時

山主妙□立

石

馬次張三人題名

高一尺二寸廣二尺六行行三四五字字徑二寸五分正書左行

馬次張

李伯高

衛仲容

右三人以丙寅春載酒爲中巖之游

右方尙有字蹟不可辨識

虞英等楊園題名

高一尺八寸廣二尺二寸六行行六字字徑二寸五分正書左行

虞英邀次張季才伯高同游楊園遍歷三巖之勝泛舟

自西湖歸丙寅歲清明日門人衛閑書

菖蒲澗吳大年等題名

高一尺四寸六分廣三尺四寸十五行
行七字字徑一寸六分許正書在南江

廣都蔣城吳大年古郾李椿秦亨權師雄大梁趙恂闡
中馮時同谷米居約以紹興十八年九月十有四日訪
古菖蒲澗觀唐人武功子石刻置酒碧巖溪効柳子序
飲損其籌爲一題名以接之或洄或止或沉者皆賞惟
直前無坂滯則免坐客率三四飲笑歌諧嬉終日乃罷
三巴舊古志載菖蒲澗題名七種此其一也

靈峰院鍾樓記

高七尺一寸廣二尺五寸十四行行存四十五字字
徑一寸許正書下載未全篆額失拓在三臺北卅里華
山巖

靈峰院鍾樓記

左朝奉郎通判蜀州軍州主管學事兼管內勸農事

賜緋魚袋王咸久撰

左迪功郎新果州司戶叅軍鄧良詒書

左迪功郎潼川府洛城縣主簿主管學事李如晦篆

額

紹興丁巳靈峰院僧寶勝初建鍾樓於院之山頂越明年樓成其高七仞縱廣半之壯嚴輪奐動人心目其冬寶勝自_缺久因告之曰夫妙真如性與生俱生而不能自知大圓覺心有化不化而不能_{自見}是故珠_必待於

人說月亦求於指缺開方便門敕羅睺羅撞鍾一聲以

示阿難及諸大衆反觀內照得入理門達磨西來大法

頓教門庭雖別指趣無殊有缺有聞堰溪水聲而悟者

有聞石擊竹聲而悟者及其成功一也今吾子賡無一

錢作大緣事鑄此巨鍾閣以層樓廡以缺夜撞之用警

沉昏固有一歷耳根頓會宗旨離文字之傳絕語言之

妙者吾子亦何用記爲寶勝曰不然寶勝竊有說缺公

授之宰是邑也相視塩井託宿茲院夢一道人爲針其

腹十年之病一昔而差詰朝問寶勝此院興建之由寶

勝以左缺爲對偶合公心自此每以興修督勵寶勝

顧吾院之貧力之微也何以稱公驅使之意至建炎丁未今制幹王公宏

缺爲

其疏文又與

其兄作大檀越自

此度材鳩工迄用有成然則修造之意乃李公倡導於其始而王公成就於其後今

缺

福祿□□

豈非

能仁護

念妙智扶持願刺堅珉以侈大茲山之靈不亦美乎咸人曰然請爲書之以傳諸信士

紹興二十年正月上元日開建靈峰寺長講沙門寶勝立石

重修白塔院聖像記

高三尺四寸廣一尺四寸十六行行卅六七字末行四十一字字徑五分橫額題重修嵩松山白塔院聖

像記十一字並正
書直界格在樂至

崑松山□□□□□□

東普□邑鄉曰□□□□□峯号曰崑松院名曰白塔

興自李唐□觀□□□□貞元拾伍年先賢趙法界之所

建也□□□□已遠碑誅隳頽尊像磨滅五百有餘年

□□□□□□之□□□皇宋□□者謂□□□□

□□李宗良者留意釋道發大善心常曰□□□憫斯

跡之荒墮欲此像之更新□□□□□□天年吾令不

成其志繼其事豈謂孝乎發□□□□□之後覩相于竟

悟之間遂費□□□□□□剗除舊壁開鑿洞門鐫貳

拾伍像□□□□□□□□□□聖賢□夫婦于

座□□□□□□周毓事畢功成脩葺之功尤多於父子

□□之□亦賴於鄉人委予作記以紀□□□□不敏

敢不秉筆以俟命言不盡意□文爲□□□□□□

浮圖盛爰□□□□□于貞觀廢于會昌

多歷年所尊像墮□□脩□□事屬宗良

賴□□□□像更張成予孝道用荅先亡

俾茲聖跡□□弥光功成□滿極樂□方

□□盛大萬世無疆又讚曰有唐盛好

□□誕敷僻陋遐荒爰□□□□□塔寺

十二窠區

我普樂邑

東西之□

□□崑松

白塔規摹

□山□□

□□非都

貞元之末

院名是呼

會昌五年

□□□蕪

迄至于今

□謂□呼

□有李公

能述父志

聖像更新

廡廊益□

□功已成

令予作記

□斯□□

□所底止

興之于李

廢之于李

□□重修

惟曰□李

皇宋庚午紹興貳拾年叁月拾叁日信仕弟子隴西李

宗良字祖善建此佛龕□□記□□者烏邑母士隆

同發善心男李大□

在標題下

太平寺鐘款

拓本上層高二尺下層高一尺四寸五分餘詳各方下

□□□□各捨五百足□□□福田捨不擅信

□□□一貫省□士慶唐子迺□□張道膳張道勝

各捨一貫□儀□□□思昱□選謝光旼詹仲政

□□□□氏九娘□寶□□有謝士楚謝子啟

上缺□□□□各一貫□李氏四娘二貫省

上缺□□□□元錫唐子□唐世甯□

上缺□□□□胡士宣朱傑劉□

□□□□唐氏四娘郭氏□王氏二娘卞氏一娘陶氏

上缺 □ 唐氏一娘郭氏一娘趙氏六娘

上缺 □ □ □ 唐思恮思玠各人五百足蔣氏五郎

上缺 鈔 □ 貫省張孝思

上缺 □ □ 福黃氏二娘各人五百足

上缺 □ 貫 □ 李達 □ 西 □ 陳元鳳 □

上缺 □ □ 裁 □ 舍名三貫省

上缺 □ □ □ 寶 □ □ □ 寶杪鈔五貫

有方上廣二尺五寸下廣二尺八寸十五行行字不齊字徑寸許凡言上缺者莫辨字數以第一字與後行某字齊平定其高下

上缺 □ □ □ □ □ 捨 □ □ □ □

廣

缺上 蔣士□□□鑒□氏四娘□□□文

足

缺上 臣謝文

各 貫省

此行不
可辨議

缺上 楊下

□零陵口安□□□□□子□□蔣巡□□□貫

□

□□各捨名五貫足□□□舍□五貫省蔣翼□□謝

知罪

□□寶各名五貫足唐珍蔣意蔣中遵蔣松年陳遵蔣宗□

缺上氏六娘鄧氏五娘僧道詵永宜祖倫志

閨知圓

缺上□□□氏一娘各一貫省

□□□□

缺上娘下缺

缺上□□□各□貫

□楊□□

此下四行均無一字可辨

右方上廣二尺三寸下廣二尺五寸五分十六行行字不齊字徑六七分許

上貫省前衡州通判王□一貫

足將仕郎

上佳淡缺

山比邱

上缺□□□□各捨一貫足周□鄭夔

各禾貳

上缺禱僧□時各捨一貫省□氏

七娘唐子

上缺□□鄉捨禾櫃信人名□□□□

張□□□

上缺各人五貫□瑋呂□先□□□

上缺張□□丁齊卿各人一

貫□

上缺李日□李日康各人□貫□張

忠□□

上缺□吳□□貫周文岳唐氏一娘

李氏三娘

上缺繼欽義□本莊惠慶各人□貫董

輔李

上諒□□蔣詵周恪唐中立周憲馮□

呂非

上唐子息蔣文選何□海黃震唐全周文雅周

吳

□□氏晚娘龍氏一娘僧普光普安覺因永佺子□觀

妙義□

□□善金善敬惠明崇譽各人一貫足呂師緣師經共

多五貫

□□□一貫足張實李昇共六貫僧義圓徒衆一貫

僧印詮一貫謝詮□□□□裕唐□實香□□□□

□□端蔣之才陳僕周□□吳貴張友穩□□□永年
子□

□悟軾悟轍元□永賢永紹子忱子愔寶璋祖光□趙
右方上廣二尺二寸五分下廣二尺六寸五分十九行行字不齊字徑五六分
弟一行
全餘

上缺□□善感□□

上缺惠覺惠行了謙

□□□行者□□各一貫省□□□盧文□姜貴□
智□唐□唐文昌周樞□仲□文□甫蹇時川熊□陸

才

上氏□娘唐氏二娘胡氏四

娘

上僧□□正光

□

上祖高□

上似無字□□□□□□□明各系五百

□

上似無字□□□□□□□百□□□□妙鈔

□

無字上似
□□□抄鈔十貫下缺

無字上似
□□□□□貫下缺

無字上似
□□□□□□唐上旺

無字上似
□□仲福李氏一娘唐氏六

娘

無字上似
□□□氏晚娘張氏□娘□氏□娘

右方上廣二尺四寸下廣二尺六寸
五分十五行行字不齊字徑六分許

佛曰增輝 法輪常轉 皇風永扇 帝道遐昌

右四行介於各方之間每行四字
字徑二寸許 以上上截

僧下缺

弟二至弟
五行全蝕

蔣思□□□□□張順
缺下

僧元善
缺下

弟八至弟
十行全蝕

行者元
缺下

弟十二行
亦全蝕

□全□妻□□□捨□□□□□五百

上
缺思
下
缺

□昌明同妻□氏捨□貫□□□□貫足

上
缺林□一娘□□□貫足

上助緣下

右方廣二尺六寸十七行行字不齊字
徑六七分前尚有空行據拓本無字

已上檀信各捨 財鑄造鴻鍾□已周

□所異下缺約

此行蝕約

八九字

此行蝕較前行
約多二三字

上陳虎

此行全蝕長
與後行同

上仲□捨多十貫足

□化鑄鐘□紹元□元□元遂集□

上元宗元懷

缺上緣住持傳法賜紫嗣祖妙空大師崇紹

右方廣二尺六寸十行行字不等
字徑八分許前後均有空行無字

右迪功郎永州軍事推官趙 溱

右儒林郎永州軍事判官許 顗

右朝散郎權通判永州軍州主管學事劉 襄

左朝奉大夫權知永州軍州主管事梁 仲敏

翻空宋車鞢間斷者

非靄非霆壹利毘間

徧滿大千非嚴非形

目悉檀成目慈悲極

目歡喜德粵縣詔來

如瞑而寤如醉而醒

九英之鹵瀟湘之會

梵釋之庭紹興庚午

曹再浹辰椒吏是銘

右方銜名四行字徑七分銘九行行八字字
徑一寸長徑一寸二三分篆書以上下截

右宋顯謨閣學士謫居永州汪藻謨書凡九行每行
八字係小篆尙完整惟蟲字作雷當是鑄脫其鐘分
三方末方之下層書前銜名及銘辭上層及餘二方

均鑄檀施士女錢數字似篆似真其募緣賜紫僧妙
空數字尙可辨識庚午歲乃高宗紹興二十年也石金

審

右太平寺鐘款據志載題寺舊在太平門唐之龍
興寺也柳子厚所善僧曰悟及名巽者居之宋元
豐四年更名太平有僧名安者居之明嘉靖閒廢
爲宗藩別邸鐘今在永州城內譙樓不知何時所
移樓尙有一鐘則明萬厯廿九年所鑄也此本分
兩截拓之凡七方銘辭篆文餘俱正書陽識瞿氏
輯通志未見此刻宗氏輯永志似見之而未及細

審銘辭末句云散吏是銘並不明署姓名志載以爲汪藻所撰浮谿工篆隸銘文當亦出其手筆志載銜名四行前後倒置并誤趙溱爲趙正許顗爲許岳又曰慈悲幢原刻作幢从木而宗氏作撞从手曰歡喜總原刻作總而宗氏作聽粵無詔來粵古由字宗氏誤作從詔宗氏以爲始字九英之𠂔英蓋吳之小變用爲疑字宗氏直作疑均非梁仲敏四人通志職官失載永志補之而未知正爲溱之誤岳爲顗之誤斯亦疏矣檀信姓氏內有官階者惟見衡州通判及將仕郎而人名已泐王通判

亦僅見其姓耳劉襄判永州亦見太學上舍題名
碑碑亦汪浮谿撰書亦是年所鑄許顥見何麒師
子岳詩後其署里貫爲襄邑云

重刊留別南溪詩

高一尺八寸廣三尺詩五行行六字前後款五行行
字不一字徑二寸餘上石年月二行行字不一字徑
五分俱正書在臨

桂南溪曰龍洞

留別南溪

桂州刺史兼御史中丞成紀李勣

常歎春泉去不回我今此去更難來欲知別後留情處
手種崑花次第開

太和二年十一月十三日

大宋紹興二十年季夏張仲宇鄧宏重命工刊整住
巖僧如漢慧本

劉玉麈云通志載李渤留別南溪詩兩章其二章云
如雲不厭蒼梧遠似雁逢春又北歸惟有隱山溪上
月年年相望兩依依渤在桂州浚治灘水善政在人
朝廷不聞恩命乃以風恙求代罷歸洛陽渤詩中絕
無怨尤惟惓惓於巖花溪月而已此種胸次猶是初
年不仕高隱匡廬少室之襟懷耳刊此詩者爲張仲
宇蓋卽潛洞刊張公勸諭所稱郡人張仲宇也范公

於張爲並世若李賓客則已遠矣讀此不獨令人思
賓客而亦並思仲字也又案舊史云渤在桂管二年
新史云渤出爲桂管觀察使踰年以病歸洛又李涉
元岩銘序稱渤在桂一之年治鄉野之病二之載搜
郭郭之遺是渤在桂僅二載與史傳合今此刻乃題
云太和二年豈在桂當寶曆二年因風恙求代直至
大和二年始得代歸洛有此留題耶姑識之以俟考
証 詩只一章刻石時斷無遺失之理如雲不厭一
絕當是涉作舊通志所載殊誤今渤涉兩人集中又
皆收此二詩也

廣西通志
金石錄

唐文宗建號大和史冊均作太和其見於石刻者
均不作太此刻作太者重刻而非原本也亦以知
大之誤太南宋時已然矣渤官桂不久新書云踰
年以病歸舊書云在桂管二年風恙求代罷歸洛
陽渤以寶曆元年正月出爲桂州刺史此留別詩
題大和二年十一月則不止二年矣疑史有誤劉
玉麈云寶曆二年求代大和二年始得代歸恐未
必然至元岩銘序所稱殆只就南溪言之渤在桂
幾年必舉厯年之事一一述之則非銘岩之文矣
張仲宇有桂林盛事記刻於中隱岩粵西文載仲

宇字德儀臨桂人紹興間以文藻稱與同郡石安民相為引重桂帥張栻張孝祥范成大先後至府禮以上客

羅浮洞題刻六種在富順

甲戌造像殘題高一尺三寸廣六寸四行行字不詳字徑寸許正書

首行右下造時大宋興□□□□甲戌四月十三

全泐日修□□□

建元惟興字隱約可辨蓋紹興廿四年也

佚名造像記高一尺二寸五分廣五寸九行長短字數均不一字徑四分正書左行

敬饗□□缺

伏以如來□缺□心出世因緣脩修行之路逕乃聞極

樂國內大聖彌缺約七自在觀音菩薩□運□勢至□

□□

□弟子□□□□缺約七字二十五年□□□□弟子

缺約三字女弟子□□

此亦宋刻也宋代惟紹興有二十五年

同證大師等造像記高三尺九寸廣九寸七分正書左行

時大宋紹興二十七年歲在丁丑缺約五字資□勅約十託

化門缺約三字各為存亡有□□蓮華□所得□利□助

□□人□□□□一缺約十如來大像一龕□□□□

助緣□色重粧侍立觀音勢至十龕聖□等說

缺約五字看

轉□大藏□教四大部經各一□□□大乘妙□□□

□□□住行□□□用□施□真□□□□廣大無

上證等菩提上報

缺約七字

下□三友

缺約五字

與一切有情同

生淨土齊成正覺□紹興三十一年歲在辛巳□月壬

辰初五日成□南四□□院法眷師衆□□管□□照

知院□□前□正院監同證大師

缺約十字一字

□□□□□

仁達行者□王仁皎手下行者

缺約七字

□行者張□□□

□張自□刻

右刻曼患難辨繆筱山分爲二種以余審之蓋一

刻也造始於廿七年成功於世一年耳

太上斷除伏連碑銘

高三尺一寸廣一尺七寸共三十行行四十四字字徑四分橫

額題太上斷除伏連碑銘入字中題解冤釋結天尊六字左右刻題日月二字並正書并符篆各一道

謹按

太上老君三屍經云夫人之生也皆寄於父

母胞胎五穀精華具人身臟腑盡有三尸爲人大害每

□□庚申日夜錄人罪過上奏

天帝絕人生籍令人

天壽竄入黃泉獨在地上遊走名之曰鬼或四時八節

□□稍缺爲人禍害伐人性命夫天下有生之衆紛紛

擾擾抱天地冲和之炁居日月照臨之中邪鬼乘便以

肆欺尸座因之而□逼亦非自來傳染止是因隙乘衰
賴我 太上有禳解之科 天尊垂拯拔之格許令超
度□□蕩除病者□安鬼不爲禍幸 至真上聖不以
一槩剪除廣開解脫之門宏闢祈禳之路□陳醮謝庶
使曰□ 不改於□□□當行於誅戮於是以洪濛混
台之氣裁成龍章鳳篆之文俱真空洞濔 之章□□
玉籙寶符之字其妙也□□□測神變無方拯斯民於
塗炭之中接□命於水火之際有續壽返魂之應回骸
起死之功廣濟生成咸登壽域□□大宋國劔南東蜀
潼川府路富順監□賢鄉支江里鄧井居奉 道法錄

臣范祥伸誠意先於遠年內乃爲□□□李氏災障侵
凌妖邪欺侮後裔難阻尊少無安醫療不痊無解遂投
正法救治據昭報係是天亡近逝三世□□冤愆不
下纏綿興生伏連遂啓誠心仗道士楊智武就家□建
太上斷除伏連解釋冤愆保存拔亡清醮一壇飛奏
宸庭關聞三府豎立碑盟以伸戒誓于癸未嘉定十
六年五月二十八日不幸偶遭回祿□毀碑盟□存□
自初秋以來再被少死天亡三生冤類觀望碑盟焚毀
不遵前戒黨扇妖異侵擾家人至今尊卑俱遭其害□
□安□心負敕□非仗道恩難以逃免謹啓愚衷一

家嚴潔備陳供儀以甲子令辰仗道士王混成就家修設

太上斷除伏連解釋冤愆保存拔亡清醮一壇仍前豎立碑盟痛行戒誓於壇下特爲宗親上祖近逝天亡奠
□金錄簡戒普伸薦度上願冤家解釋伏連斷除過
往生 天早離幽暗道場自當日啓壇敷□□範至功
課云終設醮投詞貢財滿散上嚴 道極昭事 帝眞
更祈在堂重親晚景康健年齡有永災障不侵次願臣
祥夫婦齊眉女男安吉兄弟均慶門閥興隆命祿亨通
常臻 福祐伏聞邪不干正僞不當眞凡有災殃宗□

懺謝賴我

天師特垂方便拯護生靈立此誓文以爲盟約如有一
鬼不伏去金刀罡劍斬無休吾今爲汝立誓盟從茲各
自冤仇釋謹按 天尊演說斷絕伏連媛邪逆師方鬼
神呪

五運順天道

六氣衝仙都

霞頸戴眞文

遍誅下士謨

一切無道鬼

見之思

奔駭

法網大羅天

豈容漏邪諸

楊

水噀象法

俱若微妙除

天尊說是呪已一切邪鬼並皆清蕩生人安泰伏連斷

除世生生永無冤累今再爲汝等重立十誓盟約

土牛能產犢 木馬欲生駒 乱絲應作繭 生鐵

爛成金 蝦卵生鷄曰 葫蘆滿水無 江水朝天

□ 焦麻菜又敷 石符還判合 繩斷續成纒

十誓能壞 幽冥任復誣 若然存此戒 回顧

受天誅

道言天師傳示不可犯違汝等從今已往改過自新永
除伏連之殃求注生 天之果尋解脫門世生生絕
無冤對如不能悛改依前作過侵擾生人自受 天譴
永沉惡趣□劫原更自思惟免貽後悔汝宜諦聽遵稟

奉行

太歲乙酉寶慶元年九月

巳未朔初六日甲子立石

高上紫虛陽光洞淵法師南極天樞瓊院右

大判官同管院事尹大先

上清大洞三景弟子元化法師同知神霄玉

府天樞祛邪院事王混成

太上三天扶教輔元大法師正一靜應真君判元都御

省事張

額有大清道光十三年四月二十八日重立字

羅二娘等重粧象題記

高一尺七寸廣七寸五分五行存字不一字徑七八分正

書左行

女弟子羅氏二娘□□□

缺

等發心重粧□□□□□

缺一

身祈□自身安泰男女康甯

缺

運為遂心□

□□以□□公

缺

十月四日因本命齋僧□金

缺

馮氏造像題名

高八寸五分廣不計一行十字字徑七分正書在前刻左方

女弟子馮氏為□□重□

此二段當亦紹興年所造茲附宋末造象人似是

馬氏姑從筱山作馮

穿雲崑趙夔詩

高二尺二寸廣三尺八行行廿字字徑七分額題
桂林二十四崑洞壽八字橫列字徑二寸餘並正書
林在柱

伏波崑讀書崑疊綵崑龍隱崑劉公崑穿雲崑

仙跡崑白雉崑中隱崑呂公崑曾公崑程公崑

秦皇開郡爲桂林古號名邦五嶺陰山琢玉篆攢萬疊

江分羅帶繞千尋青青四顧列群山生自天工巧若鐫

玲瓏拔地聳層秀崢嶸嵯峨星斗間其中有崑十二所

伏波靈顯存祠宇顏公讀書窟室中疊綵北山如列布

何年龍隱冲霄去鱗鬣形模鑲石路仙人劉公飛升時

崑壁宛然遺舊題穿雲仙跡次左右口盧道氣多南溪

白雉聽經生人類蕭寺豐碑有元記信知一性無不通

石竇陰陰苔蘚蒙西南中隱尤勝絕穿處得名因呂公

曾公程公皆舊跡三公皆桂帥也遺愛在民傳古昔沉沉崑谷

有餘光炎方勝槩神難藏週迴不遠郭郭下輪蹄追賞

何忙忙

栖霞洞白龍洞水月洞元風洞華景洞虛秀洞

朝陽洞南華洞夕陽洞北牖洞白雀洞嘉蓮洞

宜人之地少陵詩閱玩前賢詞意奇爛然五詠非虛語

位壓坤方占一維青青四顧列群山生自天工巧若竈

玲瓏拔地聳層秀崢嶸嵯峨星斗間其中有洞十二所

七星山下栖霞府日月華君顯跡靈遇者當時鄭冠卿
歸到人間已三載仙洞光陰殊未改至今舊記傳無窮
元崑蟠螯聞白龍一泓澄碧寒潭瑩水月圓明下翠峯
枕城樓觀環俯視綵鎖喬林春日媚秦碑柳記已難觀
漓水南流泛渺漫慶林巽穴元風出華景高明隱丹室
西方虛秀貫山腰南華朝陽風景饒夕陽北牖通仙徑
白雀嘉蓮池潏淨許多佳

致

卒難題留與詞人賡雅詠

漳川先生徧遊諸景故作是詩以總之紹興甲戌中

秋南溪郭顯勒石穿雲崑

將仕郎劉振書

張昉刻此三字在前

粵西文載趙夔紹興間南遷北歸常寓正悟寺徧游桂林有二十四崑洞歌漳川爲趙夔號見贈余老人

詩廣西通志金石略

右穿雲崑趙夔詩穿雲崑石刻不多此其一也劉仙崑亦有趙夔詩刻前此兩年伏波崑上有蒙亭遺址讀書崑在獨秀山下顏延之讀書處宋孫覽嘗刻五君詠於石疊綵崑在桂山之東唐元晦有記云石文層疊如錯綵故名龍隱崑在城東二里元祐黨籍碑及崇甯獎諭敕書均在其間其餘鐫

題最多壁無完石劉公崑在南溪山之南邑人劉仲遠居此羽化崑門刻升真古洞四字仙跡白雉均與劉崑聯屬中隱在城西三里曾公崑舊名冷水巖在七星山下栖霞洞去曾公崑二里許唐鄭冠卿遇日華月華君於此宋范成大嘗紀其事於石白龍洞在南溪山下五代末南漢謀并靜江湖南遣兵屯龍洞以拒之卽其地也水月洞在灘山之北元風洞在冷水崑之左宋柳開有銘朝陽夕陽南華北牖白雀嘉蓮隱山六洞也唐李渤來游始揆別崑石而名之洞口各有象書標其名勒石

者郭顯沁源人嘗作棲霞子銘刻於劉仙崑粵西
文載云郭顯居南溪之劉仙崑一稱住山道民一
稱南溪郭顯然卒不可蹤迹之者獨有南溪卜居
銘首言士大夫以金人之故多南遷似避地中言
志在神仙似方士末言榜揭歸雲又似棄官入山
者

新學門銘

高四尺九寸二分寬二尺七寸四分十三行行二十
字字徑寸餘末行三十一字正書篆額題新學門銘
四字陽款

在永州

宋紹興甲戌冬十二月永州學南門成太守廬陵彭侯

所建也太守視民以身以

王事爲家事政治旣舉又思有以教化之得蜀文翁禮
殿繪像本使工次第摹寫堂上勵士子以儀刑之學復
建斯門闢壅塞導勝氣氣象偉甚學舍厨廡從而易新
示勸之意厚矣宜銘之詞曰

人不知學莫適視身學而不行不學爲均行之伊何惟
一惟誠孝弟忠

信

本之於心存之於性守之以仁日積

月化粹然其醕可以格天可以感神可以正物可以化
人發爲辭章德人之文施於政事君子之名其道甚大
與天地并凡爾爲士勿替于勤欽之勉之無媿此門

特進提舉江州太平興國宮和國公張浚撰并書
門生右朝請大夫知永州軍州主管學事兼
管內勸農營田事彭合立石并篆額

右銘正書十二行末上石銜一行字體似北海而有
縱逸之勢與城南書院扁牘頗相類真魏公書也公
以紹興十二年封和國公十六年以特進提舉江州
太平興國宮與此正合此刻久沒土中道光元年零
陵令丁煦復建府學始掘得之完好無缺神物信不
可掩與

永州府志
雲龔金石齋
留

永州府宗志載此文於學校門以拓本校之不無

錯誤彭侯下多一合字宜銘之下少詞曰二字純
碑作醇並碑作并於勤之於碑作于皆宜據碑訂
正碑泐一信字據志補之通志重修於嘉慶末年
此碑尙未出土後來者可以補前之闕矣

碑陰

一字長三尺九寸三分
廣二尺九寸五分

忠

右刻在新學銘背乃磨前

原本作荆乃今
之翦字殊誤

人碑所爲

內隱隱見黜刑等字必宋人之不足取者故當時卽
被踏毀也攷浚本傳紹興七年以祕書少監分司西
京居永州九年復官十六年貶居連州二十年徙永

州高宗本紀二十年八月量移張浚永州連永比鄰
則庚午冬初必已至永此刻雖不著年次然與學門
銘同刻自當列於移永之始也

留雲壺
金石審

府志題曰宋張浚書忠字跋而系諸紹興二十年
案跋旣云與學門銘同刻則當列於紹興二十四
年乃以意度之謂庚午冬初必已至永當列於移
永之始殊非信實碑無署款亦不知何由定爲魏
公手筆竊意新學門銘原刻於碑陰後人磨去前
碑摹勒紫陽所書之一字厯時旣久遂附會爲魏
公書耳磨削古碑僉父所爲魏公不若是之滅裂

乃以前碑爲宋人之不足取者當時卽被踣毀亦
似唐突矣余所得拓本並無點刑等字隱隱可見
諦審紙背約有廿餘字拓工用墨塗抹以滅字蹟
爲完璧嗚呼此非玷也古碑之易湮如斯

八瓊室金石補正卷一百十三終